

Hoi, hallo e tgau

Sin visita en ina butia a Turitg

DA CLAUDIA CADRUVI / ANR

■ **Co èsi da lavurar en ina boutiqua da trend a Turitg? L'anr ha fatg ina visita a Nina Curtins en la butia da la marca Alprausch.** «Hoi», salida Nina la clienta ch'entra en stizun. I n'emporta betg da tge vegliadetgna che la clienta è: A tuttas e tuts vegn ditg «ti». L'entschatta cura ch'ella saja vegnida a Turitg, saja quai stà curios. En las autras stizuns nua ch'ella aveva lavurà, schevian ins adina «grüezi». «Ins era sin in auter nivel cun la clientella.» Ma a Turitg ditgian ins en bunamain tuttas butias «ti». Uss na fetschia ella betg pli vess. Tuttina conceda Nina: Sch'ina dama propi nobla e veglia vegness dad esch en, ponderass ella da dir «vus».

Matterhorn en moda

Per il solit saja la clientella hoffia. «Sulet magari ils Tudestgs», dat Nina d'entellir.

Alprausch n'è betg ina tipica butia da giuventetgna. Anzi, la clientella è tranter ventg e tschuncanta. I vegn blers turists, perquai che Alprausch ha adina in motiv svizzer sin ses t-shirts u lismers, p.ex. ina chaun bernardin u ina stail-alva. Sin las tastgas hai fotoprints cun il Matterhorn u cun lais alpins. Alprausch sa serva da clichés svizzers, adina cun in link ironic.

Mo betg stil-tussy!

«Jau mezza tilel gugent en resti da questa marca, era sch'jau na port betg minga di ei», di la vendidra. Sch'ins dumonda ella tge hobi ch'ella haja di ella: «resti, moda». «A mi plascha tut pussaivel. I na dastga mo betg esser da quai da 0815



Nina Curtins è vendidra en la butia Alprausch a Turitg.

FOTO C. CADRUVI

e betg stil-tussys, plitost sportiv ed elegant.»

Ed en tge boutiqua da Turitg lavurasas il pli gugent, sche ti pudessas eleger? Forsa en ina fitg nobla? «Sch'jau stun vinavant a Turitg, less jau star qua. Nus avain in super team.» Da sias collegas sappia ella pli u main tge clima che regia en las differentas butias da Turitg.

Dardin, Losanna e Cuira

Jona, Sagogn e Flem. En quests lieus ha Nina vivì cun sia famiglia gia avant vegnir en scoletta. Durant che Nina ha fatg

la scola primara han ils Curtins abità a Dardin, suenter a Glion.

Suenter scola n'ha Nina betg immediat survegnì piazza ed è stada sco au pair a Losanna. «L'entschatta èsi stà dir d'esser tar ina famiglia ch'ins n'enconuscha betg e na chapescha strusch insatge.» Lura ha ella fatg l'emprendissadi da vendidra tar il Spengler a Cuira. Suenter ha ella midà en ina stizun da sport a Lenzerheide, nua ch'ella è stada dus onns.

Na leva mai ir a Turitg

«Jau hai adina ditg ch'jau na vom mai a

star Turitg», raquinta Nina. Ma tuttenina hai cutizzà da far ina midada. Ella ha chattà in job en il Jamarico en il Niederdörfli.

Quai è stà insatge tut auter: En il Spengler a Cuira aveva ella già da vender costumes, blazers e rassas che na plaschivan betg exnum ad ella. A Lenzerheide vendiva ella chaussas fitg charas. Il Jamarico perencunter è ina stizun cun vestgadira per giuvens, vestgadira esclusiva ch'ins na chatta betg dapertut. «La clientella è tut autra, ed jau hai lavurà ensemen cun gliedud giuvna.»

Era cun abitar ha Nina già cletg ed im-

mediat chattà in studio favuraivel amez la citad. Uss abita ella ensemen cun ina veglia collega da Danis.

Spagnol u emprender vinavant?

Da preschent arrivon mintga di plunas da stgatlas cun la collecziun nova. I dat bler da far cun pachetar ora e cavigliar. Uschiglio èsi pli ruassaivel durant l'emna, di Nina. «La sonda èsi adina stregna.» Il settember ed october hai dapli traffic en las stizuns ed avant Nadal vegni hefti per las vendidras. La lavur plascha a Nina. Ella ha gugent contact cun la gliedud e na less mai stuair star dis en e dis ora avant il computer. Tuttina ponderescha ella da far forsà anc insatge auter. Ella avess quaidas d'emprender linguas, forsà spagnol ed ir a vesair auters pajais. Da l'autra vart studegia ella, da far ina scoleziun d'acquisitura u da manadra da filiala.

Curt e bun

Num: Nina Curtins
Naschida: ils 27 da fanadur 1982
Burgaisa: da Siat
Domicil: Turitg, circuit 3
Colur preferida: momentan verd e nair
Spaisa preferida: zuchettis, tartuffels cun rosmarin
Bavronda: Gazosa
Sortida: Mascotte, UG, Dachkantine
Musica: tut, dano tecno e house
Hobi: vestgadira e moda